



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 3

Yangia anidakangma : Tir Yimym

tiryimym@aolima

tir yimym

TAPAK 7

Amit Shah-i TMC sorkar atsüngdoktsü
asalentong yanglur: Mamata

Russian opposition activist Kara-
Murza küm 25 tepuokdak ayur



VOL. XX NO. 185 (ADOK 185) DIMAPUR SANGTENNÜ (TUESDAY)

RONGCHII (APRIL) 18, 2023

₹ 5.00

NSF-i CSRE 2022 indang viva-voce anema lungkak aiter

Kohima, April 17, 2023 (TYO): Naga Students' Federation (NSF)-i Mongulbarneep 8:00 ako nungi NSSB office Kohima kima nung timi lungkak aitba sentong ka agütsü.

Combined Staff Recruitment Examination nung viva-voce marks 5% ajema mekümdaktsüba anema NSF-i lungkak aittsü.

Hombarnü NSF tir Kegwayhun Tep-i federating aser sub-ordinate units nem iba tetuyuba agütsü.

NSF indang 4 buba Presidential Council Meeting nung nisung ajaki mulunga bangjemtepba ama lungkak aittsü.

Nagaland Staff Selection Board (NSSB)-i ketdangsa agiba Combined Staff Recruitment Examination (CSRE) 2022 nung viva-voce atema 12.5% marks lemzüksü aliba ya 5% mekümdaktsüba lungkak aittsü ta NSF Presidential Council-i bangjemtepa lir.

NSF-i November 2022 nungi marks ajemsü atema takhangba agüja arur aser Chief Secretary ajanga sorkar dangi shidi zülüogo aser parnokisa Chief Minister Neiphiu Rio dena ajurutepa iba atema inyaktü mepishia liasü.

"Ajisüaka state sorkari iba onük atema mapa kecha meinyakba agi onoki April 18 anepdang 8:00 nungi NSSB office Secretariat lenmang nung timi lungkak aittsü" ta Tep-i ashi.

NSF-isa federating units aser sub-ordinate bodies ajak dang nübo tenemnem (50) yoktsü tetuyuba agütsü.

KAKETSHIR TELOK BALALAINSF PUSEMER:

NSF-i timi dang lungkak aittsü saka nisung kari danga lungkak aitba tesem nung mepetmesü aser terata adoktsüsa mapa inyakra maremzüksü ta NSF president-isa ashi.

Ao Kaketshir Mungdang (AKM)-i NSF pusema nungitba osang metetdaksüogo. AKM-i iba lemtet sülen anidaker aser akokba tashi timi lungkak aitba nung amalitepa yariteptsü ta ashi.

"NSF-i akhangba onük ya jungjunga asadangtsüla aser viva-voce atema candidate temi kaketshir teloktemi ashiba tashi angatsü mepishir" ta AKM tir Lanutoshi aser tongti tezülur Satemmongba nati ashi.

Chakhesang Students' Union-ia sangdong ka nung NSF takhangba pusema nungitba metetdaksüogo.

"Lokti ka tejakleni aotsü atema kinük pezüsü nungi kasa shilem agütsü nungdaker" ta CSU tir

Avezo Kevin Kapu aser tongti tezülur Pei Kezo nati ashi.

"NSSB Commission dak temulung malemba mali saka interview nung 12.5% marks lemzüksüba ajanga tim masüba mapa inyaktü lenmang lapoktsür aser iba ajanga temsüa aliba candidate temi tamakok angutsü" ta CSU-i sangdong ka nung ashi.

Zeliangrong Students' Union Nagaland (ZSUN)-ia tanga sangdong ka ajanga NSF takhangba pusema nungitba metetdaksüogo.

NSF-i timi lungkak aittsü ayongba nung yariteptsü aser NSF-i akhangba onük atema telangzüba tajung ka mangu tashi candidate temi NSSB indang interview nung shilem magütsü mepishir, ta ZSUN tir Aakam Pame-i ashi.

Lotha Students' Union (LSU)-ia NSF indang 4 buba presidential council meeting nung bangjemtepba pusema nungiter ta metetdaksüogo.

"Bangdak department-i iba onük atema meshisadanger aser zübazülema toktsür. Ono ola madoki malitsü aser bangdakpurtem kaketshirtem temeten atema noktaksü aser raratsü nenshir" ta LSU tir Lirhonthung E. Kithan aser tongti tezülur Chanpenhung nati sangdong ka nung ashi.

LSU-ia viva-voce atema candidates dang shilem magütsü mepishia metetdaksüogo.

Rengma Students' Union (RSU)-ia Presidential Council Meeting nung lemtepa pusema nungitba metetdaksüogo.

"Bangdakpurtem i kaketshirtem aser lanurtemi akhangba ama meinyak tashi RSU-i CSRE 2022 indang Personal Interview mokdangtsü anungji Rengma nung shingaia viva-voce nung shilem magütsü mepishir" ta tir Alo Tsela-i ashi.

Maneni, All Nagaland College Students' Union (ANCSU)-ia sangdong ka nung kaketshirtem ajungkettsü aser Naga loktiliba ajunga ajangzüksü atema ochishia aser tajungtibatem shimba inyakyim atema noktaker ta metetdaksü.

"State sorkari NSSB tentetba aser mezüngbuba tatidang takok

nunga agiba atema tenüngsang agütsür. Ajisüaka NSF indang 4 buba Presidential Council Meeting nung bangjemtepba nung onokia pusema nungiter" ta ANCSU-isa ashi.

Anungji NSF-i telesa ajak nung viva-voce marks 5% kümang ta akhangba ama state sorkari meinyak tashi onoki NSF pusema nungitsü, ta parnokisa ashi.

"Viva-voce personal interview atema 12.5% marks lemzüksüba ajanga CSRE nung tejak repranga inyaksangshi aser iba ajanga NSSB tentetba nukjindong matongtsü.

Anungji bangdakpurtem aser state sorkari tangatetba tajung nung Naga loktiliba ajunga ajangzüksü lemtetsü mepishir" ta ANCSU tir Toito D. Chishi aser tongti tezülur Tenyesinlo Bukh nati sangdong ka nung ashi.

NSSB-i CSRE Viva-Voce thinener

Dimapur, April 17, 2023 (TYO): April 18, 2023 nungi Combined Staff Recruitment Exams (CSRE) 2022 indang Viva-voce tenzüksü aliba anogo asemnü atema thinena ataba osang metetdaksüogo.

Iba osang ya Nagaland Staff Selection Board (NSSB) nung Secretary cum Controller of

Exams B. Henok Buchem-i Hombar aonung tesü metetdaksü.

Department of Personnel & Administrative Reforms-i tetuyuba ka agütsüba nung ajemdaker CSRE 2022 indang Viva-voce thinena atar aser iba dak sendakba osang tarutsü nung metetdaksütsü, ta Secretary cum Controller of Exams-isa ashi.

Indian Army-i mezüngbuba Online Common Entrance Exam agir

Dimapur, April 17, 2023 (TYO): Indian Army-i Digital India tangatetba sülen anidaka linük ajungalen tang mezüng atema Online Common Entrance Exam agir.

Iba inyakyim ajanga Indian Army indang recruitment procedures nung temelenshi tulu ka bener arur ta PRO (Defence), Kohima & Imphal-i sangdong ka nung metetdaksü.

Online Common Entrance Exam ya April 17 nungi 26, 2023 tashi linük kübok tesem 176 nung Examination Centres nung agir.

North East Zone nung yimti 14 kübok centre 26 nung iba tatidang agir. Arunachal Pradesh nung Naharlagun, Assam nung Dibrugarh, Guwahati, Jorhat,

Silchar o Tezpur, Manipur nung Imphal, Ukhrul o Churachandpur, Meghalaya nung Shillong, Mizoram nung Aizawl, Nagaland nung Dimapur o Kohima aser Tripura nung Agartala nung agir.

Iba recruitment maparen ya shilem asem lemsar agütsü. Mezüngbuba nung candidate ajaki Online CEE nung shilem agütsü, iba sülen pei pei Army Recruitment Office ajanga shimtepa candidates tem Physical Fitness Test aser Physical Measurement Test atema ajatsü. Tatensa iba nungi shimtepa candidate tem Medical Test atema jaoktsü aser takok angur candidates indang merit list metetdaksütsü, ta PRO (Defence), Kohima & Imphal-isa sangdong nung ashi.

Murmu-i Ngopa yimtsüng National Panchayat Award agütsü

New Delhi, April 17, 2023 (Agencies): Mizoram kübok Ngopa yimtsüngi Hombarnü National Panchayat Award 2023 agizükogo.

New Delhi nung Tir Droupadi Murmu-i Ngopa VCP K. Lalremsiam nem sempet agütsü.

President Droupadi Murmu-i Ngopa yimtsüng nem Rs 1.5 crore senpet aser nungo ka agütsü, ta Mizoram nung Local Administration Department

Minister Pu. K.Lalrinliana-i ashi. Ngopa ya Mizoram kübok Saitual district nung meta talang pilar aliba yimtsüng ka lir. Iba yimtsüng nung kibong 1000 shi lir.

Hombarnü President Murmu-i National Panchayat Awards Week tenzüksü aser 'National Conference on Incentivisation of Panchayats-cum-Award Ceremony' nung National Panchayat Awards lema agüja liasü.

Nagaland ULBelections thinenba atema SC-i Centre dang asüngdang

New Delhi, April 17, 2023 (Agencies): Hombarnü Supreme Court-i Centre sorkar dang Nagaland nung urban local bodies (ULBs) indang elections athiba ya tetsür tashi itdaksüba tebilemstü atema lir ta metetdaksüogo.

"Tetsürtemi mapang kobika ULB elections nung shilem agütsü atatsü?" ta SC-i Centre dang

asüngdang.

"Nagaland nung municipality aser town council elections nung constitution-i melaba ama tetsür nem shilem asemstü nungi kasü lemzüksüba alema inyaksangshitettsüsa tashi lir mali jangjatepang" ta SC-isa Centre dang shiogo.

SC-i ULBs electiona agütsü

tetuyuba agütsüba paitoka state sorkari Nagaland Municipal Act 2001 agien aser iba ya tetsürtem nem tashi agütsüba indang tebilemstü ka lir ta Justice S K Kaul aser Justice Aravind Kumar na adenba SC bench-i metetdaksü.

Nagaland sorkari March 30 nü ULBs indang elections athiba sangdong SC-i sota lir.

Manipur BJP MLA kari CM Biren agientsü meranger

Guwahati, April 17, 2023 (Agencies): Manipur nungi BJP MLA telok ka New Delhi nung mongdar aser parnoki BJP central leadership dang chief minister N Biren Singh agientsü atema takhangba agütsür.

Manipur nungi BJP MLA 10-12 shi kati N Biren Singh anema New Delhi nung mongdar. Parnok teimba ka Manipur nung Kuki nung lir ta osang angazüker.

BJP MLA temi mepelaba onüktem rongnung March 2023 nung Biren Singh-i aniba Manipur sorkari 2008 küm SoO agreement agienba onük dena lir.

Iba SoO agreement ya Kuki nung telungpurtem den liasü

asir nübertemi MLA tem dang iba ya agienba ajanga Kuki nung aliba tesemtem nung timtem jenti aruba lemsateper.

"Prime Minister Narendra Modi aser Home Minister Amit Shah nati anir national leadership ajanga Manipur aser Northeast nung BJP jenjang tajungba aküm saka tanü State BJP aser state sorkar tanishirtem ajanga tebilemstü kar ajurua lir. Manipur nung lenisüba ya democratic masü saka monarchy mesüka lir aser 2024 küm matongdang onoki item tebilemstü agiennür" ta Manipur BJP MLA kati osangbener dang ashi.

Külen, Hombarnü Manipur

kübok Langthabal Assembly constituency nungi BJP MLA Karam Shyam-i Tourism Corporation nung chairman menden toktsüogo.

Shyam-i CM Biren Singh dangi züluba shidi ka nung pa nem teinyaktsü kecha melemzüksüba shia lir.

Ano, April 13 nü BJP MLA Thokchom Radheshyam Singh-ia advisor to Chief Minister Biren Singh mapa nungi anena liasü.

Manipur BJP MLA tem den ajurutepa parnok tebilembatem angadangtsü ta Central BJP lennirtemia shiogo.

Manipur nung Biren Singh'er cabinet nung menden ana tazüng lir.

NABARD ajanga Bamboo craft training agütsü



Dimapur, Rongchii/April 17 (TYO): NABARD indang Livelihood Enterprise Development Program (LEDP) kübok anogo 15 tashi Bamboo craft training Life Ministry Learning Centre, Naga united Village, Chumukedima nung Pro Rural ajanga agüja liasü. Iba training sentong tatembangba session April 13,

2023 nü alidang tesemdanger tongti ama Madrasa Dkhar, AGM, NABARD dena liasü. Pai training agirtem dang market nung nüngdakbatem tajungtiba nung tanen makai yanglutsü ayongzüka liasü. Skills training agütsüba den külemi parnok ya 6th Mile, Chumukedima nung aliba Nagaland Bamboo Resource

Centre aser Wood Craft Centre, Diezephe tesentemi anir oa liasü. Iba training ya March 28, 2023 nü Ramkumar Sharma, GM SIDBI, Dimapur aser Kiyelu T Yeptho, Inspector of Industries, DIC nungertem lia tenzük aser master trainer Joseph Sangtam liasü. Iba training nung nisung 29 dena liasü.

Kohima College Kohima pur 56 buba Social Parting agiogo

Dimapur, Rongchii/April 17 (TYO): Kohima College pur 56 buba Social Parting sentong April 15, 2023 nü College Courtyard nung agia liasü, kong Naga Students' Federation tir Kegwayhun Tep o jembir liasü. Tep-i pa o tenzük dang KCK nung züngzüker aor kaketshir 360 dang tekum dangtsü ashi. Item kaketshir ya rongsen ka ama imla liasü saka tebilemstü ang akumtsü, kechiaser Naga nung lanur zünger mapa mangur ya India nung aliba state ajunga rongnung timtiba lir, ta pai ashi. Nagaland nungi graduate sür alirtem asoshi tebilemstü tongtipang ana lir, aser aji mezüngbuba nung Naga nung sorkar mapa kisüng

bilemba aser tanabuba nung sorkar mapa nung nübu shimokba maparen nung ochi mashiba ya lir, ta pai ashi. Pai kaketshir dang tezü atangba, shisa ramaa shisaboluba aser 'suicidal tendencies' nungi pila alitsü tekum dangtsü ashi. Lanurtemi bensa amshiba anema raraba aser janratema aliba yimyatem yutsüba ajanga dang mapa manguba tebilemstü koktettsü, ta pai ashi. Lanurtemi pei jenjang metettsüla aser nübur asoshi tetetzü tajung aketba aser dangari akumtsüboba takum ka-ka akumtsü inyaksüla, ta Tep-i ayongzüka liasü. Iba sentong nung Dr. M. Libanlung Nguillie, Principal,

KCK ajanga tajungshi o jembir aser Dr. Ketoukhrieü, Asst. Professor ajanga sentong tenzüka sarasadema liasü. Sentong nung Hyulo Tsela, General Secy., KCSC ajanga pela agizükba o jembir aser junior students tenüng nung Nuvekho Rhakho aser graduate asürtem tenüng nung Sachin Sharma-i jembia liasü. Kasa sentong nung Principal Dr. M. Libanlung Nguillie-i College Annual Magazine 2022-2023 sayatsü, Tahimu Trakha-i Live Art sayua liasü, college nung tetoktepba balala nung takok angur nem sempet agütsü aser Lhousazolie Zumu, Asst. General Secretary ajanga melepzüng o jembia liasü.

PRO (Defense) ajanga tiazü osang sangdonger: NSCN/GPRN

Dimapur, Rongchii/April 17 (TYO): PRO (Defense) ajanga April 17, 2023 nü osang kaket balala nung 'Assam Rifles temi general area New Camp, Mokochung district nung NSCN züngsem ana, Sergeant Major Imkongtiba aser Sergeant Major Pamthing den "war-like stores" ta parnoki jembiba nok-nü ana den injang apu' ta sangdongba ya metongshitsüsa akumer, ta NSCN/GPRN sangdong ka ajanga ashi.

Iba sangdong ajanga NSCN aser security forces alena aliba ceasefire ground rules nung NSCN tenüng menüktsür, ta NSCN sangdong ajanga ashi. Parnok den civilian ka apu aser parnok ket nung nok-nü mesüra documents kecha meliasü. Shikaritsü atema civilian ket nung kartoos (SBBL cartridge) ka bona liasü, ta ashi. Assam Rifles temi iba ama tiazü osang poraloka sangdonga asaa NSCN tenüng

menüktsütsü meranga nübur ashioktsür aser ibai ceasefire ground rules anema lir, ta NSCN/GPRN sangdong ajanga ashi. Tamalena NSCN dak tenük yoker PRO (Defense) ajanga iba ama tiazü osang prokshia aruba ajanga Government of India den ceasefire nung aser yimten ken o tejembidak aliba NSCN tsütsü Assam Rifles temi ochimashiba aser taochi mesayuba temai adoktsür, ta NSCN/GPRN sangdong ajangasa ashi.



Advisor, Law & Justice and Land Revenue, T N Mannen-i April 17, 2023 nü Dimapur nung Law & Justice Department indang guest house semzüktsüba noksa nung angur. Pa meina Advisor Temjenmenba aser Advisor Imkongmar nungertem arua liasü.

DC Kohima ajanga Two-Wheeler Taxi amshitsüpur shimogo

Dimapur, Rongchii/April 17 (TYO): Deputy Commissioner, Kohima, Shanavas C, IAS ajanga Two-Wheeler Taxi permit asoshi tenüng agüja alirtem dang sangdong ka nung ashiba agi, Test Drive aser Interview nung ajemdaker Kohima nung Two Wheeler Taxi Permit agütsütsü asoshi candidate tem shimba result sangdongogo aser DC Office Kohima indang Notice Board, RTO Office Kohima indang Notice Board aser District website kohima.nic.in nung angutsü. Shimteta aliba candidates tem nem Two-Wheeler Taxi

Permit ya RTA Kohima ajanga tentetba Medical Board ajanga Medical clearance agütsüba sülen ang agütsütsü, anungji shimteta aliba candidate ajak April 20, 2023 nü NHAK nung anepdang 10:30 ako nungi tenzüka medical examination atema Medical Board dangi arutsü metetdaksür, ta sangdong ajanga ashi. Shimteta candidate tem medical clearance anguba sülen Non-Judicial Stamp Paper nung undertaking züluteptsü atema April 24-26, 2023 anogotem DC Office Kohima bushia tsüngdong arutsüla, ta sangdong ajangasa ashi.

Oil palm atema Agri Department ketdangsur temi AP semdang



Dimapur, Rongchii/April 17 (TYO): M Ben Yanthan, Director of Agriculture, Govt. of Nagaland; Z. Hukhato Sema, Jt. Director of Agriculture (Oil Palm) aser Ronchamo Kikon, Subject Matter Specialist nung nung temi anir Agriculture officers tem telok kati April 12-16, 2023 anogotem Andhra Pradesh semdanga Oil Palm Cultivation indang asadanga jaja liasü.

nurseries, collection centres tem semdang aser tesem balala nung oil palm lu ayimer tem den sensaksem kaa liasü. Raju Prasad Choudhury, Advisor- North East, Godrej Agrovet Limited (GAVL) den par team-i iba süngdong tila asü dang nungi tenzüka süngjang aongba tashi rateta ashi. Pai oil palm lu ayimer nem "Agri-Army" nungja agütsü. Fuel oil sülen bendang lima nung 8i linüki nüngdakba oset bener aruba timtima jenjang tanabuba nung oil palm ya lir. Sougata Niyogi, CEO - GAVL ajanga Nagaland nungi aortem pela agizük aser Nagaland tenzüktsü asoshi maongka agütsüba atema Government of Nagaland dang pelaba lemsatepa liasü. Zone I kübok aluyimer yaritsü asoshi GAVL sentong tulu lir, ta pai ashi. Tang aliba plantation areas nungi 'Fresh Fruit Bunches' tem alizüktsü company anaprongi teimla agütsü.

State nung oil palm lu ayimba temaba jenjangi ajungkettsü aser processing facilities amenoktsü mechi Department of Agriculture, Government of Nagaland aser Andhra Pradesh nung amenoka aliba company ana - Godrej Agrovet Pvt Ltd. (GAVL) aser Patanjali Foods Limited tsüngta Memorandum of Understandings ka zülutepba sülen Department nungi ketdangsur temi Andhra Pradesh semdanga liasü. Parnoki iba mapang oil palm plantation areas, facilities,

NSCN/GPRN ajanga asükhu lemsatep

Dimapur, Rongchii/April 17 (TYO): Steering Committee Executive Member, M. Toshi Lemtur mapang talangka shiranga arur April 16, 2023 nü asüba osang angazüka mang ayimer, ta National Socialist Council of Nagalim (NSCN) sangdong ka ajanga ashi. Pa ya Ao Region kübok Longsa yim nungi lir aser linük tenzükba mapa nung 1993 küm tenüng zülüok. Pa tasünü tashi anokshitsü makokba tanüla nung Naga lima tenzükba aser linük asoshi bendanga agütsür inyakba onoki

züngshir, ta sangdong ajanga ashi. Asen linük yangerba nung pai tsüngnep yutsüba kodanga mesamatsü aser Khristan sepa ka ama linük meimer nisung tajung ka iba lima nung jajaogo ta kuli sütettsü. Tang mangyim tejashi mapang NSCN ajanga mangyimer kibong den asükhu lemsateper. Tulusang Tsüngremi M. Toshi Lemtur nem tesunep nung anisüngzükjang ta sarasademtsür, ta NSCN/GPRN sangdong ajangasa ashi.

UP nung taila rara 183 bushisüng-dangtsü atema SC nung ken o benok

New Delhi, Rongchii/ April 17 (Agencies): 2017 küm nungi tenzüka Uttar Pradesh nung taila rara nung nisung aika tepsetba t a t a l o k b a t e m bushisüngdangtsü atema advocate kati Supreme Court nem temepishiba ken o ka agütsüogo.

Advocate, Vishal Tiwari i Supreme Court nung Public Interest Litigation (PIL) ka benoka 2017 küm nungi tenzüka UP nung item ama tatalokba 183 bushisüngdangtsü atema Independent Expert Committee ka tentettsü mepishi.

Advocate-i SC dang item tatalokba bushisüngdangtsü atema taoba mapang Supreme Court Justice ka leniba nung Independent Expert Committee ka tentettsüla, ta mepishi.

Vishal-i SC dang, "Item ama tatalokba ya democracy aser ozüng atema amokmeren tulu. Ozüng alema nisung tepsetba aser taila police rara nung khasetba ya ozüng kübok sashia aitsür aser democratic loktiliba ka nung iba ama tatalokba malitsüla. Tatembangbuba obendang agütsürji police masütsüla mesüra temerenshi agütsüba ketdangserji police mesüdahtsütsüla," ta ashi.

Uttar Pradesh Special Director General of Police (Law & Order)-i ashiba agi, 2017 küm nungi tenzüka item ama rara 183 liasü, ta pai metetdaksü.

Uttar Pradesh police ket nung lia Atiq Ahmad aser par adianu, Ashraf na khasetba t a t a l o k b a - a bushisüngdangtsü mepishi.

Paisa, anogo ana tejaklen Uttar Pradesh police ket nung lia Atiq Ahmad aser par adianu, Ashraf na khasetba t a t a l o k b a - a bushisüngdangtsü mepishi.

"Temerenshi agütsütsü atema tashiji Judiciary nem dang agüja lir. Kodang police-i iba tashiji amshidir ozüng chireptsü aser police anema nüburttem melungjang nung tetsübu alitsü, aser ibaji democracy atema lendong tulu, iba denji külemi ozüng alema ano taliba inyadaksür," ta pai PIL nungji shia lir.

Tamalen nisung tamajung asüba nungi yimtenren nung ajemoksang, Atiq Ahmed aser par adianu, Ashraf na Honibar aonung police-i Prayagraj nung aliba hospital kati anir aoba mapang nung nisung aseme tena khaseta liasü.

Tamalen nisung tamajung asüba nungi yimtenren nung ajemoksang, Atiq Ahmed aser par adianu, Ashraf na Honibar aonung police-i Prayagraj nung aliba hospital kati anir aoba mapang nung nisung aseme tena khaseta liasü.

Amit Shah-i TMC sorkar atsüng-doktsü asalentong yanglur: Mamata

Kolkata, April 17 (Agencies): Hombarnü TMC tongti lenir aser West Bengal Chief Minister, Mamata Banerjee-i, Union home minister Amit Shah-i, sangküm Lok Sabha election nung BJP-i West Bengal nung menden 35 nung takok ngura TMC sorkar 2025 küm adena malitsü, ta jembiba oji democratic aser linük temzüng alema jembiba o lir, ta aitsü.

aniba sorkar kümsük ya 2026 küm nung ang abensatsü. Birbhum district kübok Suri nung lokti senden ka nung jembidang Amit Shah-i West Bengal nung BJP-i Lok Sabha menden 35 nung takok angutsü atemzük aser iba nükjidongji tongtetra tang state nung Mamata-i aniba sorkar ya 2025 küm adena malitsü, ta jembiba liasü. Mamata-isa, Shah-i jembiba oji ajanga state sorkar atsüngdoktsü atema asalentong ka yangluba jangjar, ta ashi.

Laisa, April 14 nü Amit Shah-i jembiba o atema pai minister menden nungi anentsüla, ta ashi.

Laisa, April 14 nü Amit Shah-i jembiba o atema pai minister menden nungi anentsüla, ta ashi.

Kolkata nung osangbenertem den jembidang Mamata-i, "Hokolbarnü Amit Shah-i lokti senden ka nung jembiba liasü. Ibaji kecha masü, ajisiüka kechi komaser linük nung Union home minister kati state ka nung democratic inyakyim ajanga shimtetba sorkar ka atsüngdoktsü atema jembir? Linük temzüng melenshir asü?" ta asüngdang.

"BJP-i Lok Sabha menden 35 ngura state sorkar kümsük abensa-a malitsü, ta pai jembitsü makok," ta lai ashi.

Tang Mamata Banerjee-i



April 17, 2023 nü Varanasi nung G20 Agriculture Working Group me z ü n g b u b a senden nung Union Minister, General VK Singh-i jembidang tangokba noksa nung angur.

North-Eastern Region nung Tribal Entrepreneurs aser yangji adokba Local Products Ajungkettsütsü atema

"Asen tribal nisungtem aser parnok sobaliba aser benshia arubatem wazüka yutsütsüa atema ozü sorkari meranga inyaker."

Narendra Modi, Ato Kilonser

Scheme Tenzükba Sentong

"North-Eastern Region nung adokba products ajungkettsütsü atema Marketing aser Logistics Terenlok"

Shri Arjun Munda
Tribal Affairs Minister, India Sorkar-i tenzüksütsü.

📅 18th April, 2023 | 🕒 3:00 PM | 📍 MSFDS Auditorium, Konung Mamang, Imphal, Manipur

Tongtibang Temetettsütem

- 🔹 Arunachal Pradesh, Assam, Manipur, Meghalaya, Mizoram, Nagaland, Sikkim aser Tripura nungi Tribal Artisans-i iba scheme nungi tajangzük agitettsü
- 🔹 April-May ita, 2023 nung empanelment atema ayongzükba Tribal Artisans Melas (TAMs) 60 dak tema nung Tribal Artisans-i shilem agitettsü.
- 🔹 Online aser offline mode balala ajanga National aser International marketing linkages ajanga income lenmang balala nungi alitsü
- 🔹 Design aser skill development training programs nung shilem agitsü
- 🔹 Tribal Artisans-i India Post ajanga logistics teyari agitettsü akok
- 🔹 Linük tesem balala nung exhibitions aika nung shilem agitsü atema maongka angutsü
- 🔹 Iba scheme kübok lemezüktsüba senji Rs. 143 Crore lir.

Arunachal Pradesh

Tripura

Sikkim

Meghalaya

Nagaland

Iba Scheme kübok na register asütsü atema onok den tongtepratepang:
 TRIFED, House No.3, Madhab Kamal Path, ASEB Road, Ulubari, Guwahati-781007, Assam;
 Phone: +91 361 3501695 | Email: md-trifed@trifed.nic.in; raj.vashisth@trifed.nic.in | https://trifed.tribal.gov.in
www.tribesindia.com | Connect with us @tribesindia



DIMAPUR BRANCH
Nyamo Lotha Road (Church Road)
Dimapur- 797112, Nagaland, Email: dimapu@bankofbaroda.com

KIOJEN AYOKTSÜ ATEMA NOTICE

APPENDIX- IV-A [See proviso to Rule 6 (2) & 8 (6)]

Securitisation & Reconstruction of Financial Assets and Enforcement of Security Interest Act, 2002 den külemi Security Interest (Enforcement) Rules, 2002 indang proviso to Rule 6 (2) & 8 (6) kübok Kiojen ayoktsü atema E-Auction Sale Notice. Public aser talisa sen apur (tem) aser Guarantor (tem) dang, Secured Creditor, **Bank of Baroda, Dimapur Branch, Dimapur, Nagaland** den mortgage asüba tsünglanglen shia aliba kiojen Authorised Officer of **Bank of Baroda, Dimapur Branch, Dimapur, Nagaland**, Secured Creditor-i tsünglanglen shia aliba sen alangzüksü atema "kiojen aliba tesem", "yangji aliba ama" aser "yangji aliba ajak" ayoktsü sangdonger.

Sen apur/Tem/ Guarantor/tem / kiojen/tem sentsüh / Reserve Price / e-Auction anogo & mapang, EMD aser Bid ajungketba sen osang tejanga tsünglnglen agütsür:-

Agidokba jenang: Physical

Kiojen repringdangba anogo aser mapang: 22.05.2023 & anepdang 10:30 ako nungi nikongdang 4:00 ako tashi

Sentsüh ajak senteper: 22.12.2021 anogo tashi nung Rs.1,20,74,427.74 (Rupees One Crore Twenty Lakhs Seventy Four Thousand Four Hundred Twenty Seven and Paise Seventy Four Only) aser iba denji külemi sen tetemlok aser tanga charges.

Sl. No.	Name & address of Borrower/s / Gurantor	Kiojen aser osang tejanga	Date & Time of E-Auction	Reserve Price, EMD amount, Bid Increase Amount.
1	MR. SUBASISH DAS (BORROWER) Proprietor of M/s. New Zoom Colour Lab, T. S. Market, N L Road, Dimapur, Nagaland State- 797112. MRS. SARBANI DAS (CO-BORROWER) House No.11, Sematilla Colony, Dimapur, Nagaland State- 797112.	Block No.8, Mouza No.3, Dimapur nung Shri Subasish Das, S/o Himangshu Ranjan Das tenung nung Palta No.629, Dag No.13/730 kübok aliba ali tasazük 1B-00K-00L (14400 Sq.ft.). Bounded By:- North:- Huwato Chishi, South:- Sontosh Malakar, East:- Main Road, West:- Khehuto Kiba	25.05.2023 1:00 pm to 3:00 pm	Rs. 2,00,33,000.00 Rs. 20,00,000.00 Rs. 1,00,000.00

Kiojen ayoktsü telatetba osang tejanga atema iba link nung agüja lir- <https://www.bankofbaroda.in/e-auction.htm> and <https://ibapi.in>

Date: 18.04.2023
Place: Dimapur

Authorised Officer
Bank of Baroda, Dimapur Branch



TIR YIMYIM YIMOBILEM (EDITORIAL)

DIMAPUR SANGTENNÜ, RONGCHII (APRIL) 18, 2023

Asen lima nung bendangertem

Alima nung koba kin aser koba linük südirsäka bendanger maden senso purtem kija aliba limabo malitsü, kechiyong senso purtem asoshi mapa aika nung bendangertem nungdaker. Talisa, tanü putu nung bendanger raliwalirtem arua mongdaksütsü asoshi kiojen renemer aser sobaliba aser kentenmenü sentong tapu balala ayonger. Iba nükjidingji bendang tesem balala nungi bendangertem arua amongdang parnok anendak, parnok senzüba gari aser parnok chiyongba mapatem nungi sensopurtem senotsü ajangzüksü bilema inyakba sentongtem lir. Ano, tawa Nagaland nung alima kin 20 nungi yimten lenirtem aser business tetsütitem jaoka G20 senden aliba nükjiding toa bendangertem arua asen lima nung parnok sen agi asenok den külemi business inyaksü asoshi shisalemsatepba sentong ka liasü. Item nungdaktemji dang masü saka sensosangertemi mashi aser makokba mapatem inyakdaksütsü asoshi bendanger kolok aser bendanger teka nungdaker, ibayongji maginüyonga aser mejaoknüyonga bendangertemji jaoksatsüsa akümer. Tanü asen lima nung kisüjensü mapa inyaker tsümartem asenok den külemi mapa inyaksüsa akümbajia item mepaidoktetba mapatem ajanga lir. Atangji, itemjibo asen lima nung senso küma alitsü tebilemba nung aruba masü saka kar alima repranga anogo ishika monger aotsü aruba, kar pei sen endoka business mapa kar tenzüksü aruba aser karbo ayangi aruba purtem lir. Item dakji alaka asen lima kinük-kisang ajak nung dokan amener tsümartem lir, item yabo asenok dang nungi sen ruzüksü aruba purtem lir aser parnok arua dokan kibur küma kümsa küm alitsübaji ILP ozüng Bengal Eastern Frontier Regulation, 1873 agi memelar, anungji asenoki memeteti odang lidaksür dang ashi, parnok ya ozüng raksartem lir, kechiyong ILP ya bendanger ka asen lima nung aruagi küm junga alitsü asoshi agütsüba temelaba ka masü. Ibaji metet asübo, government ketdangsertemia ILP ozüng nung melaa aliba anogo ishikaji süirbo tanaben mesüra tasemben kena manen kümsa küm asoshi ILP magütsüla aser asenokia ola adokla. Bendangertem nungi asenok tajangzük angutsü asoshi melaba ozüngtema lir aser bendangertem nem asenok yimten, sobaliba aser rongsen nunga mamoksepdaksütsü asoshia ozüng takang lateta lir, saka asenoki itemji memetet aser metetyonga kecha süoki ia bilema magir. Küm 150 jakdang, British nungertemibo bendangertem nem asenok mamoksepdaksütsü asoshi ILP ozüng lateta toktsü, saka tanü asenokibo asenok ajangzüksü atema küm 150 jakdang British nungertemi asenok tarutsü atema shisabolua bilemstüba ama mebilemer. Iba jagi tanübo tayoker aser teyanglur ajak bendanger aser asenok lisopurtembo talirtem dang kümogo. Atangji, item tensa tiaji reprangteta kaketshirtemi khen khen nübortem saksalemdakja inyaker. Aji oda, Ao lima nunga AKM-i akok tashi ozüng alema bendangertem arua asen lima nung shishilembaba mapa inyaka melidaksütsü asoshi mitpet miter aser iba jagi asenok kanga ajangzüksü. Ajisüaka, asenoki parnoki inyakba mapaji melenzüka inyaksübo süoki ia mebilemer aser angazüksüa memeranger, anungji mapang tatsüka lidangerbo bendangertem malibo asenok melitetsüsa kümadoker. Iba tensaji jungjunga bilemdanga, tang nungibo asenoki bendangertem asen lima nung senso küma melidaksütsü asoshi inyakdang, parnok maliyonga asenoki parnoki inyaka aliba mapatemji inyaktetsüsa aser parnoki amenba dokantemjibosa asenokia mentetsüsa asenok renemtsüla. Iba jagi dang asen lima nung bendangertem arua senso küma alitsü nungdak madoktsü, anungji marutsü. Atangji, Mokochung district nung melitet aoer tsümartemji pei limai aoer masü saka Mokochung nungi Dimapur-i alur aser Dimapur nungang business tajungba inyaka kibur küma alir. Iba amaji masütsüsa ozüng mapa küma benschiteta state government aser pei temeten aser wainshin meteta inyakba Naga senso Nagaland asoshi nungdaker.

OLEMSABANG

NAGA NUNGER KHRISTAN-TEM SAKSALEMA AMANGTSÜBA MAPANG KATI MENEPOGO

~ L. Kika Pongener.

(Yashi adok nungi...)

Ano tang agiba Assembly Election nung-to, Election nubuyim lokti-senden sentong kar nung, "Praise the Lord"... "Haliluya"... "Bharat Mata-ki-jai" ta Slogan agütsüba Social Media kar nung angu. Khen ashitsübo, Election nubuyim nunga Tsüngrem tenung asanger...ta ashitsü akok. Ajisuaka, arok-aroka shisadagra, "Praise the Lord"... "Haliluya"...ta asüba o ya "Bharat Mata-ki-jai"...ta asüba o denji kecha sentaktepa mali. Ashiko, "Bharat Mata-ki-jai"... ta asüba o-ji Hindu nunger asoshi o tajung ka asütsü sudi, anungji asenoki aji majung/tai-a ta mashir. Ajisuaka, Praise the Lord...Haliluya...ta asüba o ya limapur tamangba yimsü-yimpong den khenyongi memeyokteptsüla. Iba ama benschibaji, mapa tajung amai aser tila-teri mapa ka amai zübazüba-a bilemstü akok...Ajisuaka, asenok limapur sobaliba aser yimsü-yimpong den meyoktepa aor ta metetsüla. Iba indang ya ni tesuiba mapanga ocet kar nung lemsatepa züluogo, saka kangasa tongtipang ta bilemba agi ano khen nenshia zülur. Anungji asenok Khristan-tem item mesükba mapatem nungi pila-a alitsüla aser kanga dang kümdanga saksalema amangtsüba tensa mapang kati menepogo.

Ano asen Naga nunger Khristan-tem ajaki kangasa suoki ya bilemstüba aser kangasa kümdanga meita alitsüba tongtipang amai bilembaji, küm ishika tsüngda nung Sorkar tashi aser 'SEN' bener asen Naga lima nung Hindu yimsü aita mimong mesemdar ama temulung melemi bilemstüsa, mapang shia mapa aika tanem-tanemi jungkai adoka atalokba ngudagi. Anungji arogotem nung sannukertemi anir, toklang tenzük aser sayutsüngir, missionary aser evangelist-tem ajaki, arogopurtem nem item nungi jenbua/pila-a alitsü asoshi, laishiba tesayuba tejangja agütsütsü mapang tongogo. Talisa, NBCC-i anir kin shia 'Mungdang'-temi item nungi kümdanga alitsü asoshi (Awareness) teküratiba nung mapa kar meinyakra, kopi meli-i asen Naga lima Hindu yimsü nem moksepdaksütsü ana nung lir ama tsüremseta bilemer. Asen otsüla-oboula nungeri shin o jembiba...Ako amungi aruba, sungdong tulu kar nung mezüngbo tera tilaka mesangloktsü, saka tanem-tanemi iba tera tilaka jagi sungdong tulubaji moksepa sudaksütsü, aser 'Akodong' (Oak tree) jiang tuluba kümer, iba temeküt tesem ajakji amokpang ama-to asütsü. Tsüngrem o-i ashir, "Mamangertem den mesütepi sungra külemi taputep; kechiyong temenen den temeshiba kechi nung puteptet ? Aser amang den tesangwa kechi nung puteptet ? Mojing den Khrista kechi telongjem ali ? Mesüra mamanger den tamanger kechi shilem aka ?...Anungji parnok rongnungi adoka balala liang ta Kibubai ashir...Aser memeshiba kecha nunga tekongshi" (2 Korint-6:14-17). Iba laishiba nung ashiba o-ji kanga junga shisadagra, mamangertemi benschiba mapatem den pila-a balala alitsü, aser limapur memeshiba mapatem nung khenyongi mekongshitsüba tekümdangtsü o shia angur. Asenoki mapa tajung'ar kecha masü'ar ta zübazüba-a bilema benschidang, memeteti limapur tamangba yimsü-yimpong sulen anidaka aor ta metetdi. Anungji asenok Khristan-tem kanga kümdanga, meita, saksalema amangtsüba mapang kati menepogo.

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

Arogo kati kibong 3,355 dang medical sentsüh sen million 3 atok



April 09, 2023 nü North Carolina kübok Winston-Salem nung aliba Trinity Moravian Arogoi kibong 3,355 dang sentsüh million 3.3 jungnüa atokba sentong agidang sentsühtürtem tenüing zülua aliba rongdokba noksa nung angur.

April 17, 2023: North Carolina nung aliba Arogo kati kibong 3,355 dang medical sentsüh dollar sen million 3 dak tema atok; Yisu Khristai temeim mapa inyaksü aser tai atoktsü sayuba tangatetba nung Arogoi item kibongtem dang sentsüh atok, ta Arogoi metetdaksü.

North Carolina kübok Winston-Salem nung aliba Trinity Moravian Arogoi sentsüh million 3.3 jungnüa atok aser sentsühtürtem tenüing zülua aliba tarensenji rongdok.

Arogo nung pastor, John Jackman-i, "Tsüngremi asenok dang tajung inyakba ama iba ya atangji alima nung tetemsü tatishitsüka lir," ta ashi.

Debt Jubilee Project kübok Arogoi dollar sen 15,047

sarutet aser melungtet telok-RIP Medical Debt den senteper iba maparen inyak.

RIP Medical Debt-i medical sentsüh tem alizüker. RIP Medical Debt mission dang pelar, kechiyong parnokiyariba ajanga Trinity Moravian Arogoi tenla sen 15,047 agi medical sentsüh dollar sen million 3 dak tema atok, ta Arogoi metetdaksü.

Iba sülen Arogo tenüing nung organization-i kibong 3,355 dangi shidi yoka parnok dang sentsüh atokba osangji metetdaksü.

"Hospital nung amongba ajanga kibong ka sensak tiaiaitsü akok mesüra bank nung sen meshimeshia makatsü akok," ta pastor Jackman-i ashi.

Arogo kübok Debt Jubilee Project-i tesüiba ita asem tsüingda dollar sen 15,047 bendenteta liasü aser iba senji amshia medical sentsüh dollar sen million 3.3 jungnüa alizüka liasü, ta Arogoi metetdaksü.

Yaküm-a kasa project kübok medical sentsüh alizüksü atema dollar sen million 1.2 bendenteta liasü.

Laishiba nung shia aliba Jubilee Küm nung ajemdaker Arogoi Debt Jubilee Project ya tenzüka liasü; Laishiba nung Jubilee küm sentsüh ajak atoktsü aser pua aliba nisungtem chioktsü atema shia lir. Arogoi maneni iba project atema sen lenmang bushitsü.

"Onoki nisungtem sentsüh alar tia nungi kümzüker," ta pastor-i ashi.

Lai mazüngertem dang nungibo Lai azüngertem teimla tuluba: Survey

April 17, 2023: America nung Laishiba azüngertem tajemba kümdar, ajisüaka Laishiba mazüngertem dang nungibo Laishiba azüngertem teimla tuluba lir, ta tan ita tetenzüklen sayaba survey ka ajanga metetdaksü.

American Bible Society indang 2023 "State of the Bible" report ya tan ita tetenzüklen saya, aser iba report renemtsü atema nisung ka dak aliba teimla asadangtsü asoshi tasüngdangba aika asüngdanga liasü.

Taküm January 5 nungi tenzüka January 30 tashi nung parnokiyariba US kübok state 50 nung nisung 2,761 survey agia liasü.

Survey nung shilem agirtem dang asüngdangbatem rongnung-nenoki tatem tashi jajatsü asü?, Nenoki maneni merangtsü asü?, Takok angutsü teimla lir asü? ta asüngdangba densema liasü.

Shilem agirtemi tasüngdangba balala nung scale 1 nungi 5 tashi agütsü; I

ji aiura makaba aser 5 tashi agütsüba jibo kanga aiura akaba liasü.

Iba survey ajanga, Laishiba mazüngertem den medemdangra tarutsü atema teimla tulu alir teimbaka Laishiba azüngertem liasü, ta bushitet.

2023 küm America nung Laishiba azünger (Scripture engaged) million 47 lir, ta State of the Bible report ajanga asadangteter. 2020 küm nungbo America nung Laishiba azünger million 71 dak tema liasü.

State of the Bible report ajanga ashiba agi, 2023 küm America nung Laishiba mazünger million 138 lir aser ibaji 2022 küm den medemdangra tera agi tajemba lir, kechiyong 2022 küm Laishiba mazünger million 145 liasü.

"Taküm nung timtem balala akoktsü atema Laishiba azüngertemi teimla tuluba angur ta iba survey ajanga bushitet," ta parnokiyariba

metetdaksü.

America nung Laishiba azüngertemji telok balala sasep nung asadangra Evangelical Protestant teimbakati (shilem 70)-i Laishiba azünger, tanak nisung Protestant shilem 68-i Laishiba azünger aser tanak nisung shilem 57-i Laishiba azünger.

Mainline Protestant shilem 46-i Laishiba azünger, Hispanics shilem 42, Catholics shilem 37, temesüing nisung shilem 35 aser Asia nung shilem 27-i Laishiba azünger.

Ano arrshi küm sasep nung tain shilem 48-i Laishiba azünger, 1946 küm nungi 1964 tsüingda asortem shilem 46-i Laishiba azünger, Generation X shilem 38-i Lai azünger, 1980s-1990s nung asortem shilem 33-i Lai azünger aser 1990s tatembanglen nungi Aso 21buba nung asortem shilem 30-i Laishiba azünger.

American Bible Society-i maneni küm tepiyong ita shia 2023 State of the Bible report saysü.

ANO GO ABEN TSÜNGREM DEN

Tamang Ken (T. Ken 98:1-9)

Seminary ka nung professor ka küm aika Africa nung missionary mapa inyaka liasü. Kodang pa mezüngbuba Africa atong pai ayongküm nung nungnungba aser asem atemba angashia liasü. Saka pa küm 25 missionary inyaker, pa kodang kidangi ao pai ayongküm nungji telok atenshi, "Ajaki Yisu külemang, tenyartemia külemang" ta atenba angashi. Koda tepelatsü!

Khristan tamangji ken tenba tamang ka lir. Khristantemji ken tenba telok asütsüla. Laishiba nung asenok dang Kibuba dang ken atentsü ajungshir. "O Kibuba dang ken tasen ka tendakjang; kechiaser Pai sayatenya mapa inyakogo, pa teka tajichi aser pa temeshi teka agi pa asoshi takok nguogo" (t.1).

Tsüngrem takokba asoshi ken tenang. Nai ne taküm nung takok mangu ta bilemra, Kibuba takok asoshi ken atentsü tenzükan, aser Pai na asoshi kechi inyaksü iba nung na süngmangtsü.


Pa tekümtet asoshi ken tenang. "Kibubai pa tekümtet metetdaksüogo: kintem nükdang Pai pa tekümtet jungkai adoka sayuogo" (t.2). Tanü asenoki nübur dang pa tekümtet osang sangdongtsüla.

Pa taochi aser mulung lemtet asoshi ken tenang. "Israel kin asoshi pai pei temeim taochi aser pa mulung lemtet bilemtetogo: aser Tsüngrem takokba alima tatem ajaki nguogo" (t.3). Kibuba taochi asenok den dena liasü, aser Pa mulung lemtet putu ajak nung alitsü.

Pa arutsü indang ken tenang. Tekong 9 nung Kibuba tsüngdang tenemtem pelateper ta ashir, "kechiaser Pai alima o bendangtsü arur; alima temeshiba agi aser nüburtemji ochi agi o bendangtsü." Pa arutsü indang ken tenang, kechiaser Yisu tanü meyipa arutsü akok.

Nai ne taküm asoshi Tsüngrem tushia ken atener asü? Nai ne ken samar lira, tetezü na langka samaogona Tsüngrem mangdang, Pa o nung tamang- mesüra ne taküm dangi temenen aita lir. Iba ken nung ashiba ama anidakang aser "Kibuba dang ken tasen ka tenang."

OM International tenzüksang, George Verwer süogo



April 17, 2023: Kaketzülur, ajak den Tsüngrem temeim sayutsüngir aser OM lemsatet aser parnok International tenzüksang, George Verwer alima nungi pilaogo; pa arrshi küm 84 liasü.

Honibarnü OM International-i Facebook post ka ajanga, alima tesem ajaklen mission mapa inyaksü mangdang yur inyaksang, Verwer April 14 nü alima nungi pilaba osang metetdaksü.

OM International-i, "Onoki nüktzü tsünggranger George-i inyakba mapa tajung atema pa dang pelar, aser tang pa pai teti meima alisang aser tenzüksang Yisu den külemi lir ta meteta onok temelung anisüngzüker," ta metetdaksü.

"Tetenzüklen Mexico-i college mission trips anir aoba mapang nungi alima nung tsüyüimkümlen aliba tesemtem nung Khrista osangtajung proktsü atema rong ka aginüa liasü; pai kakat azüngtsü jangra aser sendoka alibapurtem den tesendaktep yua parnok anepalu. George-i

New Jersey nung Verwer ya 1938 küm aso aser pa tainlonlong asüadang New York City nung Rev. Billy Graham sentong ka nung adenba sülen Pa Khrista nung tanaben aso.

Pa college azüngdang 1957 küm nungi pai alima tesem ajaklen Khrista osangtajung proktsü mangdang yur inyak. Iba kümji pa Mexico-i Spain oshi nung Khristan kakat 20,000 lema agütsü.

Europe nung alidang pai Operation Mobilisation tentet aser tesülen OM International ta melen aser pai 2003 küm tashi iba telok ania liasü.

Verwer-isa kakat aika zülugo; item rongnung Confessions of a Toxic Perfectionist, Messiology, Out of the Comfort Zone aser Revolution of Love densema lir.

AO OSHI ANGAZÜKDAK: TANÜ ANGAZÜKTSÜBA OJANG



Ponak

(n) mi agi arongba agi po dak aketba tanak (soot on pot)
* Tanü asüngbo gas stove amshiba agi po nung ponak malir.

Pongchi

(n) nashi tepong (male cow)
* Moatsü nung nashi pongchi ka tepsetsü.

OLONG PAITEP # 6488

Grid for crossword puzzle #6488 with numbers 1-24.

TIPLÉN

- 1. Saku - (4)
6. Songjen - (7)
7. Mali/Tazüng - (4)
9. Tasen apok - (6)
11. Songtem - (3)
13. Ata liasü - (5)
16. Tzünglu den külemi tsüker - (3)
17. Aso tila - (6)
20. Tashi maküm - (4)
24. Tenüng kasa jatépba - (7)
25. Ki yangluba oset - (4)

LANGTSÜNGLEN

- 1. Taksep - (3)
2. Langtem - (5)
3. O tamendaktak - (4)
4. Nütsü tebuba - (3)
5. Anüngdang tesangwa - (3)
6. Apitet - (5)
7. Yagi jungdaksür - (4)
8. Anogo semer ka - (3)
10. ___ tatsü - (3)
12. Tebur kidong aser zünga kasa tsüngda jatépba - (4)
14. Pela agizükba tapu ka - (5)
15. Tenüng atet - (3)
18. Mejanga onü - (5)
19. Talak techira - (4)
21. Maneni - (3)
22. Nübo teyi - (3)
23. Meshi - (3)

OLONG PAITEP # 6487 TELANGZÜBA

TIPLÉN :

- 2. Pongsen, 5. Lepko, 7. Omen, 8. Maangka, 10. Yangkhu, 12. Senpong, 14. Angu, 15. Raksa, 16. Arameso,

LANGTSÜNGLEN :

- 1. Alimang, 2. Pongen, 3. Samaru, 4. Nün, 6. Pio, 9. Nüngdak, 10. Yongya, 11. Kongro, 13. Ora, 14. Ata.

Agüja aliba noksa nung meputepi aliba 11 bushiang



Tanur asoba anogo nung salem osang den noksa angati adokdaksünüra - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

Form with fields for Tenüng, Tasoba anogo, Küm, Class, School, Talidak, Salem osang.

Tepela Tasoba Anogo



Arunachal Governor-i Rhino motorcycle rally tenzüksü



Itanagar, April 17, 2023 (Agencies): Arunachal Pradesh Governor K T Parnaik-i Raj Bhavan nungi Rhino motorcycle rally indang Itanagar-Tezpur (Assam) leg tenzüksüo.

Iba rally ya 101 area headquarters nung taküm bendanga agütsürtem aser veterans nem tetushi agüja ayongzüker.

"Rhino motorcycle rally ajanga civil-military tesentaktep tashi itshitsü aser northeastern region nung lanurtemi armed forces nung adentsü

ajungmesotsü" ta Arunachal Governor-i ashi.

101 area HQ-i iba rally ayongzüka atema K T Parnaik-i tenüngsang agütsü.

101 area HQ 60 buba Raising Day nüngtem nung aser ano taküm bendanga agütsürtem, veer naris aser veterans nem tetushi agüja Rhino motorcycle rally ayonga agir.

Governor Parnaik-isa rally nung shilem agirtem dang district administration den amalitepa inyaksü aser nübortem dang linük meimtsüba

osang prokshitsü ayongzü.

Rhino motorcycle rally ajanga Northeast nung lanurtemi sendakteptsü aser parnoki Indian Army nung adentsü ajungmesotsü nükjidong lir.

Anogo 15 rally ya April 9 nü Shillong (Meghalaya) nungi tenzük aser April 23 nü Shillong nung tembangtsü.

Col Pankaj Chaturvedi-i anir motorcycle riders 10-i Arunachal Pradesh, Assam, Meghalaya, Nagaland, Manipur o Mizoram sema kilometer 2,061 senzüksü.

Assam nung BJP district media cell convenor ka mapa nungi anentsü

Guwahati, April 17, 2023 (Agencies): Assam nung Bharatiya Janata Party (BJP)-i Bajali district nung Media Cell convenor Rahul Patgiri mapa nungi anentsüo.

Rahul Patgiri-i party tangatetba anema inyakba aser party tenüng menüksüba atema mapa nungi anentsü.

Guwahati nung Hatigaon police ajanga nisung telok kati Anti-Corruption Bureau (ACB) ketdangsürtem jilu benshia senzüba atema apu aser iba ken o nung Rahul Patgiri densema lir.

Guwahati Police-i iba ken o dak sendakba nung tebur asem aser tetsür ana apu.

Party tangatetba aser

tesayuba meraksatsü atema BJP state lennirtemi Media Cell convenor Rahul Patgiri mapa nungi anentsütsü telemteba agia liasü.

BJP-i ozüng alema inyaksangshiba pusema menungiter aser ochishia inyaksü tangatetba nung noktaka lir ta BJP-i metetdaksü.

Manipur BJP MLA-i tourism department chairman menden toktsü

Imphal, April 17, 2023 (Agencies): Manipur kübok Heirok constituency nungi BJP MLA kati advisor to Chief Minister mapa nungi anenba sülen MLA Karam Shyam-i Manipur Tourism Department indang Chairman mapa nungi anenogo.

Karam Shyam ya Langthbal nungi BJP MLA lir.

BJP MLA Karam Shyam nem Chairman ka ama mapa kecha melemzüksüba atema mapa nungi anener ta osang

metetdaksü. Pa ya Tourism Corporation of Manipur nung Chairman mapa lezmükja liasü.

BJP party ya Lok Sabha Elections 2024 atema renemshiba mapang ka lir saka party MLA temi menden toktsüba ajanga tetsükdaksü ajurutsü akok.

April 13 nü BJP MLA Thokchom Radheshyam Singh-i advisor to Chief Minister N Biren Singh mapa nungi anena liasü.

Pa nem teinyaksü kecha

melemzükba ajanga mapa toktsür ta Thokchom-i ashi.

2017 küm N Biren Singh'er cabinet nung Thokchom-i Education, Labour, and Employment Minister inyaka liasü. Taküm January 1 nungi pa advisor to the Chief Minister ama shim.

Ajisüaka pai Chief Minister dangi shidi ka züluba nung pa nem mapa teinyaksü kecha melemzüksüba ajanga mapa toktsür ta shia lir.

PDF MLA tem NPP den lokteptsü tejembidak: Conrad Sangma

Shillong, April 17, 2023 (Agencies): People's Democratic Front (PDF) MLA anati NPP den lokteptsü atema mapa inyakdar ta Meghalaya Chief Minister Conrad Sangma-i ashi.

"Olemtepdar saka kechi

telemteba agitsü'ar ano memetet. Anungji mapangi ibaji bentsür arutsü" ta Conrad-i ashi.

Meghalaya legislative assembly nung PDF MLA anaji-Banteidor Lyngdoh aser Gavin M. Myllem na lir.

Tenati denra züngsem 59 agi akümbe National People's Party (NPP) nung parnok MLA 28 akümtsü.

Parnoki NPP den lokteptsü atema jembidar aser mapang shitak nung telemteba agitsü ta Lyngdoh-ia shia liasü.



Meghalaya yimtiba Shillong nung Hombar nungi G20 Space Economy Leaders Meeting (SELM) tenzuka amendang agiba noksa ka angur. Anogo ananü senden ya ISRO aser Department of Space dak tashi aliba metettsü aser tarutsü nung science missions inyaka aotsü tebilembatem lemsateptsü atema amener. Hotel Courtyard, Marriott nung iba sentong tenzük aser Meghalaya Chief Minister Conrad K Sangma, Union Minister of State for Finance Pankaj Chaudhury, Union Minister of State (Ind. Charge) Science & Tech Dr Jitendra Singh (virtually), Amitabh Kant, Secretary of the Department of Space (DOS) Somanath S, Chairman IN-SPACE Dr Pawan Kumar Goenka aser tanga tongtipang nisungtem aden.

Mulungnen

Late Rongsenla
01.01.1941 - 13.04.2023

Onok asür Rongsenla'er kinungertemi la mapang tatsüka shiranga alidang aser April 13, 2023 anogo nung la iba lima nungi pila orr onok mangyim jashi nung alidang, temeim agi kija-kibong, kidang-kiyonger, yimtsür-yimer, arogo purtem, tembar-medemer aser adianutem shirnokisa sarasadem, nübo aser rongsen agi onok nungita yariogo, nenok ajak dang onoki kanga pelaba metetdaksür.

Onoki nenok nisung shia tenüngteta pelaba yangi meshitetba atema kanga sasar, ajisüaka Tulusang Tsüngremi nenok ajak talubosa moajangma ta onoki sarasademtsür.

- Temeim Chirnur, Anük-apang aser Kinungertem.

Russian opposition activist Kara-Murza küm 25 tepuokdak ayur

Moscow, Rongchii/April 17 (Agencies): Ukraine nung rara anemba dak sendakba nung ken o benokba sülen Russia nung opposition activist Vladimir Kara-Murza küm 25 tepuokdak ayutsü obendang agütsüogo.

Linük ashioksüba, Russian army indang osang tiazü prokshiba aser 'jangratemtsü maketba lokti tentet' den sendaktepa aliba nung pa aibelenba bushitet.

Putin anemer apuba mesüra Russia nungi jena aotsüsa akumer ishika rongnung Russian-British nung taoba mapang osangbener aser yimten yimsüsür inyaka alisang ya tesüsaba alitsü.

Pai item taitüsüba ajak nung tiazü ta nokdaker.

Pa küm 25 tepuokdak ayuba ya prosecutor timbai aginüa liasü aser tang tashinung opposition lenirtem tepuokdak talangtiba ayubaji pa alitsü.

Taoba hopta pai sangdong ka nung "Ni jembiba o ajak ni agizüker... Item o atema ni sasa mebiler, item atema ni nüma atanger," ta shia liasü.

"Tammang agi asen lima akumbanga aliba künu anogo

sangwatsü ta ni meteta lir. Asen nübur tenük lapoktsü aser par tenüng nung aibelenba aliba meteta arudang atententsü," ta pai ashiba sangdong ka online nung prokshia liasü.

Iba obendang agütsüsangi ashiba agi, Kara-Murza ya "strict regime correctional colony" ka nung ayutsü aser senchi sen roubles 400,000 (\$4,900; £4,000) achitsü.

Russia nung ketdangsur temi meimchir temeden anema tashiyim mapa inyakba aser ochimashi mapa inyakba atema anüolen linük sorkar temi tenokdangba agütsütsü ajungshiba nung KaraMurza yagi tongti shilem agia liasü.

Pa Moscow nung küm ka tejakdang apu, aser meizingbo police officer ka tashi mangaba mechi pua liasü. Pa police kabu nung lia ken o tesashiba benoka liasü.

Pa indang ken o ya shilem ka pai taoba küm US nung yimden yimsüsür den jembiba nung ajemdaker lir, kong pai Russia-i Ukraine nung nisung alidak cluster bomb tem amshia war crimes inyaker aser tanur asoba mozüki aser school tem

agütsür, kechiaser konger ya tasazük aser grade nung ajemdaker seret nung sen US\$25 (£20) tashi agi yokteter, kong ita ka nung taa sen \$18 (£14) shi lir.

Sen aatsü mapang ya kanga tatsü aser iba konger (truffle) ya February nungi April tsüngta dang angur.

Tawa iba konger bushir dak lendong agütsüba ataloka lir aser asürtem rongnung tetsür aser tanurtem densema lir.

Taoba ita central Syria nung iba konger bushir nisung 15 tepset, ta SOHR ajanga ashir.

agütsür, kechiaser konger ya tasazük aser grade nung ajemdaker seret nung sen US\$25 (£20) tashi agi yokteter, kong ita ka nung taa sen \$18 (£14) shi lir.

Sen aatsü mapang ya kanga tatsü aser iba konger (truffle) ya February nungi April tsüngta dang angur.

Tawa iba konger bushir dak lendong agütsüba ataloka lir aser asürtem rongnung tetsür aser tanurtem densema lir.

Taoba ita central Syria nung iba konger bushir nisung 15 tepset, ta SOHR ajanga ashir.

Myanmar military sorkari tepuoker 3,000 dak tema chiok

Yangon, Rongchii/April 17 (Agencies): Myanmar nung military sorkari Hombarnü lunar New Year benjung nungdem nung tepuoker 3000 dak tema nem tatok agütsüogo, ajisüaka military-i chiokba tepuokertem rongnung army yimsüsüba anema nokdaker meyirejang aika aliba densema ali mali mejangja.

State meyong MRTV television sangdong ka ajanga ashiba agi, 2021 küm sorkar atsüngba sülen military-i tentettsüba State Administration Council-i tepuoker 3,113 nem tatok agütsüogo, kong bendanger 98 densema lir, shirnok pei linüki meyipa yoktsü. Myanmar nung tongtibang anogomungtem nung tepuokertem aika chiokba ya tang tasen masü.

Yangon Insein tepuokdak nungi ketdangsur kati ashiba ai, linük nung tepuokdak tuluba nung tepuoker shirnok chioktsü mesüra tepuoker kiw chioktsü iba indang tang tashi mejangja. Tepuokertem Hombarnü nungi chiok tenzükogo aser parnok ajak chiokmatsü atema anogo ishikabo agütsü.

Taoba Myanmar sorkar lenir Aung San Suu Kyi densema yimden yimsüsüba dak ajemdaker tepuokdaki yoker 17,460 shi taoba Bodhbarnü tashi sota yua liasü, ta Assistance Association for Political Prisoners-i sangdong ka ajanga metetdaksü.

Suu Kyi-i aniba sorkar atsüngtokba sülen 2021 küm February 1 nü nungi Myanmar ya military-i yimsü süa arudar. Military-i sorkar atsüngba sülen parnok anema nüburtemi longkak ait tenzük aser tang tensa tamajungba küma nüburtemi prangbong hadir bener sorkar anema nokdak tenzükogo.

Yimti tongtibangtem nung Urban guerrillas tem inyaksangshidar aser People's Defense Forces den parnok den sendaktepa aliba telungpurtemi military indang outpost aser tesem balala meita senzüba sepaitem maka arudar.

Kasa mapang nung military-i parnok anemertem samatsütsü merangba mapang yimyak yimsüngtem nung civilian tem kanga timtema arudar. Army-i tayimtsü aser artillery tem amshia amak tenzükba sülen nisung million ka dak tema pei talidak ki toktsür jenshiaogo aser iba ajanga timtem tulu adoker lir.

Military-i sorkar atsüngba

sülen security force temi tang tashi nung civilian 3,240 shi tepsetogo, ta Assistance Association for Political Prisoners-i metetdaksü. Item asürtem rongnung rara nung asürtem densema mali.

Taoba mapang Prisoners Society züngsem Tun Kyi-i ashiba agi, military sorkari chiokba tepuokertem rongnung yimden yimsüsüba dak ajemdaker tepuokdaki yokba nisung densema lira kwi asütsü mejangja, saka iba amala jenjang ka agiba ajanga military sorkar noksa tajungba akümtsü.

Pai ashiba agi, par teloki ibala mesükba jenjang agiba ya yimden yimsüsüba nung parnok ajangzüktsü, alima kintemi nongshiba tajemba kümdaktsütsü aser military sorkar noksa yanglushitsü atema ta angateter.

Taküm Thingyan (küm tasen benjung) nung coronavirus mepoktetdang aser 2021 küm military-i sorkar matsüng tsüngda nüburtemi shilem agiba ama telong junga shilem magi. Yimti tulutem nung nüburtemi security-i meita aliba tesem kar nung benjung munga liasü. Yimyak yimsüngtem nunga benjung mamung aser nisung aikati military sorkar anemertemi military-i sentong yangluba nung shilem magütsü ayongzükba tashi anga sentong nung shilem magi.

Benjung ya yimya agi anogo teku amunger ajisüaka army aser pro-democracy forces na tsüngda maneni raraba mapang ka nung state-i benjung anogo pezü dang amungtsü ayongzükogo. Benjung mapang yimyak yimsüngtem nung raratepba aser jila aser yimti balala nung military-i ayongzükba benjungtem nung bomb pokloksüba angazükogo ajisüaka nisung taküm samaba indang osangbo tang tashi mejangja.

Linük military yimsüsür Gen. Min Aung Hlaing-i Hombarnü küm tasen osang lemsatepba mapang linük nung yimden yimsüsüba tsütsü mepetmesü adoker aliba indangbo mejembi. Pai, 2021 küm rongsenketzüng nung timtem ajangshiba tang tajungba küma shilem 3 agi timba kümogo ta ashi. Manufacturing sector renloka aoba sayuogo aser 2022 küm nungi arrtsü adena shishilembaba tenzükogo aser shishilembartemi parnok mapa aki ama inyaksangshi tenzükogo, ta pai ashi.

Syria nung konger bushir nisung 31 IS temi tepset

Damascus, Rongchii/April 17 (Agencies): Islamic State (IS) teloki Syria nung lisem lima nung jenjang tulu aketba konger bushir nisung 31 tepset, ta human rights activists temi ashi.

Asürtem rongnung civilian aser mitkar tem densema lir.

IS telungpur yagi mapang shia konger bushirtem dak tenük yoker amaker aser taküm kisüng nunga nisung 150 dak tema tepsetogo.

Konger seret ka ya linük nung ita ka taa dang timba agi ayoker. UK nung amenoka aliba

Syrian Observatory for Human Rights (SOHR), shirnoki Syria nung atalokba osangtem tesem balala nungi bendener, parnoki ashiba agi, Hama yimti anüdoklen iba lendong nung asürtem rongnung civilian aser sorkar bukuma rarar 12 densema lir.

Konger bushiba maparen nung lendong tulu lir, kechiaser parnoki landmines ajurur aser iba konger adokdak lisem lima nung IS züngsemtem atsükoka lir.

Ajisüaka Syria rara mechi makamait aser unemployment agi timtema alirtem takum bendanga

agütsür, kechiaser konger ya tasazük aser grade nung ajemdaker seret nung sen US\$25 (£20) tashi agi yokteter, kong ita ka nung taa sen \$18 (£14) shi lir.

Sen aatsü mapang ya kanga tatsü aser iba konger (truffle) ya February nungi April tsüngta dang angur.

Tawa iba konger bushir dak lendong agütsüba ataloka lir aser asürtem rongnung tetsür aser tanurtem densema lir.

Taoba ita central Syria nung iba konger bushir nisung 15 tepset, ta SOHR ajanga ashir.

Ano nisung aika samar bushir.

February ita Homs region anüolen tsütsü prangbong bona alirtem ajungbena lisem lima nung motorbikes bener arua nisung ter dak tema tepseta liasü.

Anogo ishika jakdang kasa tesem nung konger bushir dak tenük yoker amakdang civilian tem timba süer nisung 16 tepseta liasü.

Küm 12 civil war mechi iba linük nung tesem aika raksatsüogo, kong Tir Bashar al-Assad sorkar anemer temi timba amokbanga lir. 2011 küm democracy bukuma longkak aiter

tem aika tepsetba sülen par sorkar nem anüolen linük temi tenokdangba agüja lir.

Syrian rara nung nisung million tesadang ka jungsüa süogo, yimti tem raksatsü aser danga linük tema atsüok.

2014 küm jihadist telok Islamic State ajanga Syria aser Iraq nung tesem aika rakzüka nisung million ti jungnüa alidak tashiyim amshia yimsü asü.

Iba telok ya 2019 küm tatemsaba tesem nungi aridok, saka tang tashi parnok ya lendong lir ta UN-i ashir.

4 Buba Mkg. Inter Ward Football Tournament Quarter Final osang



Imkongmeren Sports Complex Mokokchung nung 4 Buba Mkg. Inter Ward Football Tournament tanabuba Quarter Final asaya Majakong Ward aser Tongdentsüyong Ward tsüngda asayaba mapang tangokba noksa.

Mokokchung, Rongchii/ April 17(TYO) : Tanu Imkongmeren Sports Complex Mokokchung nung 4 Buba Mokokchung Inter Ward Football Tournament Quarter Final asaya tembangogo aser iba tournament Semi Final nung Penli Ward, Tongdentsüyong Ward, Artang Ward aser Sangtemla Ward asayatsü jenjang tongtetogo.

Tanu quarter Final mezüngbuba asaya Penli Ward aser Mongsenbai Ward tsüngda asaya nung telok ana tashi kasasa merotepa asaya aser iba mapang nung Penli nungi jersey No.7 Imlitangit minute 46 buba nung yellow card aser jersey No 10 Osa Chang minute 58 buba nung yellow card achi, kelen ano Mongsenbai telok nungia jersey No 16 Shiponglepba minute 42 buba nung yellow card achi .

Telok ana asaya aodang minute 37 buba nung Mongsenbai telok nungi jersey

No 7 Imnatoshi-i gaol 1 idaktsü aser par telok takoklen sür asayaa aodang minute 60 buba nung Penli telok nungi jersey No 9 Bendangsoba-i goal ka idakja kasasa nung asaya tembang. Telok ana kasasa asünung penalty metsütep aser iba nungji Penli ward-i goal 4-1 agi Mongsenbai kokteta Semi final asayatsü jenjang tongtet.

Tanabuba Quarter Final asaya Majakong Ward aser Tongdentsüyong Ward tsüngda asayaba nung Tongdentsüyong ward nungi jersey No 7 Tarepnungsang-i asaya tenzükli mezüngbuba minute 1 nung, minute 9 aser minute 47 nung ta goal 3 idaktsü aser pa asoshi hattrick ngutet. Ano maneni Tongdentsüyong nungisa Jersey No 11 Wapongtemjen-i minute 57 nung gaol 1 yok aser ano Jersey No 18 Lipoksünep-ia minute 59 nung goal 1 yoka Tongdentsüyong Ward-i goal 5-0 agi Majakong Ward ayong ayonga kokteta semi final

asayatsü jenjang tongtet.

Artang Ward aser Arkong Ward tsüngda tasembuba Quarter final asayaba nung Artang Ward nungi jersey No 8 Supongmeren-i minute 19,32 aser 48 nung goal 3 yokteta pa asoshi hattrick ajangzük aser item goal 3 jagi par Artang ward-i gaol 3-0 agi Arkong Ward kokteta semi final asayatsü jenjang tongtet, aji saka telok anaprong nungi asayar kakati yellow card achi. Artang ward nungi jersey No 22 John minute 34 buba nung aser Arkong ward nungi jersey No 2 minute 47 buba nung ta tena yellow card achi.

Pezübuba Quarter final asaya Sangtemla Ward aser Lijaba Lijen Ward tsüngda asayaba nung telok ana tashi kasasa aser asaya yimya kasasa nung merotepa asaya aser telok anaprong yamaji asayaba mapang nung minute 46 buba nung Sangtemla ward nungi jersey No 10

Para-Badminton International: Pramod aser Sukant nati gold angu



Rongchii/April 17, 2023

(Agencies): India nunger para-badminton asayar Pramod Bhagat aser Sukant Kadam nati Brazil Para-Badminton International 2023 nung tebur tarep asaya nung gold medal nguogo.

Ajisüaka kija asaya nungbo Pramod-i silver aser Sukant-i bronze medal dang ngua liasü.

Tebur tarep asaya SL 3 - SL 4 category nung Pramod aser Sukant nati Korea nunger tarep Joo Dongjae aser Shin Kyung Hwan koka liasü. Telok ana tsüngda final asaya kanga toktepa asayaogo, ajisüaka India nunger tarep yagi straight sets nungdang asaya koka liasü. Pramod aser Sukant nati iba asayamung tepeyong nung final asaya tajungtiba asaya aser 22-20 aser 21-19 agi asaya koka gold medal nguogo.

Tebur kija asaya SL3 category final nung Pramod-i junga masayatet aser pa külem India nunger asayar Kuma Nitesh-i 12-21 aser 13-21 agi koka liasü.

Asaya indang jembiba

mapang Pramod Bhagat-i, "ni asayaba yimya dak temulung asür, saka ano tajungba asayatetsü atema lenmang lir. Ni kija asaya junga masayatet, ajisüaka Nitesh nem pai kanga junga asayaba atema tenüngsang agütsür," ta ashi.

Kasa mapang nung Sukant-i SL4 category nung bronze medal nguogo. Asaya indang jembiba mapang Sukant-i, "ni tarep asaya junga asayatetba atema pelar saka kija asaya tajungba asayatsü atema meranga inyaktsüla. Ni iba asayamung nung aibelenbatem jangjaogo aser item ya metongshitsü atema meranga inyaktsü," ta ashi.

Maneni Pramod aser Sukant na indang coach Shiba Prasad Das-i ashiba agi, "Pramod aser Sukant napronglai kanga junga asayaogo, ajisüaka tajungba küma asayatsü atema lenmang sadema lapoka lir. Ni tena den sensaksema tenati aibelenbatem indang lemsatepogo. Onok India-i meyipa aoba sülen aibelenbatem metongshia taruba asayamung atema renemtsü."

Premier League: Manchester United tasembubai tuogo

Rongchii/April 17, 2023

(Agencies): Manchester United puri Deobarnü Nottingham Forest goal 2-0 agi koka jenjang asemububai tuogo aser Premier League nung temaba jenjang nung tembangba team pezü rongnung densemstü atema jenjang yanglushiogo.

Hokolbarnü parnok den temaba jenjang nung tembangtsü atema toktepa team Newcastle aser Tottenham na tamakok anguba maangka agia Erik ten Hag-i aniba team ya tasembuba jenjangi tuogo. Asaya nung Antony aser Diogo Dalot nati goal kaka idakja liasü.

Team ana ya iba season nung asembenbo asayaogo, kong League Cup semi-final ana densema lir aser asaya anaprongla ya United-i koka liasü.

United nungi yirur aliba

central defender Raphael Varane aser Lisandro Martinez na melena iba asaya nung Harry Maguire aser Victor Lindelof na asaya aser Tyrell Malacia melena Dalot asaya liasü.

Iba asaya nung Marcus Rashford-a masayatet aser midfielder Marcel Sabitzer-a warm-up mapang yiruba ajanga Christian Eriksen-i melena liasü, shiba January yiruba sülen tang mezüngbuba iba asaya nung shilem agia liasü.

Iba asaya nung Forest pur asayar pezü tashi melena liasü. Parnoki taoba asaya teku nung asaya ka danga koka mali.

Asaya ya United puri amokbanger asaya ajisaka goal midaktsütetu arur minute 32buba nung Anthony Martial-i metsüba ball ka Navas-i nokdangar temai adokba Antony-i idakja liasü.

Asaya tanabuba shilema United puri amokbanger asaya aser minute 76buba nung Antony-i agütsüba ball ka Dalot-i aibelen mesüi idaktsü. Iba ya pa atema mezüngbuba Premier League goal liasü.

Iba asaya akokba sülen United pur pezübuba jenjang nung aliba Newcastle dang nungi point asem aser pongububa nung aliba Tottenham dang nungi point pongu agi timba kümogo.

League nung asaya ti asayatsü anunga lia United puri parnok taoba küm ngutetba point ajatetogo aser parnok iba hopta ano Europa League aser FA Cup nung asayatsü lir.

Kasa mapang nung Forest pur ponglang nung aliba team asem rongnung densema lir aser parnok English top flight nung season ka sülen Championship-i meyipa alutsü ana nung lir.

BILEMDANGANG

"Tebilemdangba tajung aika liaka mapa medenra ajak amajok."